

Н О В И Н И

ЗА РУСНОХ У ЈУГОСЛАВИЈИ

„Руски Новини“ виходза кажли г.
дзень. — Предплата на рок 55 Дин.
Адреса: „Руски Новини“ Р. Керестур.
Число Чековног рахунку 59-356.

Видава: Руске Нар. Просв. Дружтво
За редакцију одповеда: Мих. ФИРАК.

Польска подзелена

Цала Галиција под владу московских большевиких.

Польска уж конечно побита, брані ше ише Варшаву и то барз одлучно, геройски и на югу од Варшави варош Модлин. Цалу Польску подзелели большевици и Немци медзи собу так, же большевици достали дватретины територији бившеј Польскеј, а Немци лем третиноу. Граница медзи большевиками и Немцами идзе од сиверу по рици Нарев, вец по рици Висли, Сян аж до Карпатох. Значи, же большевици достали на сиверу вароши Вилно, Гродно, Бялисток, далей на юг достали большевици шицки украински жеми: Подляше з варошами Бересте Литовске, Кобринь, цале Полісе зос Пинском, цалу Волинь зос варошами Луцк, Ковель, Ровне и Холм и Галичину зос варошами Львов, Перемишль, Дрогобич, Борислав и други. У Галичини идзе

Большевицка граница по рици Сян и скоро цала украинска Галичина пришла под власц большевиких. Под Немцами остала лем Лемковщина, то су часци срезох Лиско, Коросно и Горлицы.

Стало ше тото, чога зме ше найвечей бали: найлешни украински жеми, дзе наш народ найсвидомейши, найлешне организовани и дзе могол ипак дакус дихац, спаднул под владу московских большевиких. А яка то влада шицки знаме. Нігда Галичина не була под московску владу, а тераз ю посцигло тото нещесце. А нет ніякеј надїї, же би большевици були гу нашому народу у Галичини иншаки, лешни, як цо су на восточней України у Києве. Але маме тварду надїю, же Бог нашого народу не охаби.

Початок борбох на западу.

По трох тижньох „мированя“ на немецко-французким фронту, почала там ширша борба. Немци преруцели велі дивизији в Польскеј на запад, там пришол и главни немецки командант генерал Браухвич и Немци почали найперше вельку канонаду, а вец и менши напади на Французох, да их видрили з Немецкеј територији при Сарбрикену. До тераз не мали Немци успиху.

Дня 25. септ. французски бомбардере бомбардовали познати фабрики целелинох у Фридрихсгафену на Боденским Озеру недалеко Швайцарскеј. Зос яким успихом ише не познато. — Тиж явено з Норвешкеј, же на сиверним морю була велька битка немецких и англійских вонних ладьох, але точнейши висти ише не пришли.

Англия витирва у борби.

Англійски премиер влади гварел 25. септ. у парламенту: „Англійски народ одлучел раз на вше уклонїц сталну опасносц од немецкого нападу, котрого Польска тераз постала жертва. Ми зос Французку вошли до войны

прето, же би зме себе и цали швет вишлебодзели од тей опасносци и нашо народи зединети баржей як гоч кеди у своєї волї, да свой циљ посцигну“.

Закон проци драготні.

Прето же велі нашо тарговци од початку войны у Польскеј почали без причини дзвигац цени у тарговинох, видало министерство за социјалну политику уредбу о борби зос драготню. Забрането дзвигац цени шицкому, цо за живот потребно и цо не луксуз як пожива, напой, пожива за статок, облечиво

огриву, ошветлене, бензин, будовельни материял, кварталі. У каждой тарговини муша буц виложени цени тей роби. Хто преступи тоту Уредбу будзе карани зос глобу до 50.000 Д. Власци маю строго надпатрац, да ше тота уредба окончуе.

Загальни огляд подїйох.

Наш народ у Польскеј найбаржей тераз настрада. Була надїя, правда малка, же тота война принеше нашим братом у Галицији шлебоду, лебо голем даяке полегчене, автономію. Место того пришла большевицка влада. Як ше тераз большевици з нашим народом справую, ніч ше не зна. Єдино було явено, же ше уводзи большевицки режим (владане). Правда и то уж вельо значи, але точнейших висткох нет.

На западу почина ше на фронту живше робиц. За тераз у акцији лем артилерия. Єдни на других з далека штреляю. Французски авиони почали летац над Немецку и руцац бомби. Англійци далей блокую Немецку и не даю по морю до цей ніч привесц. Немци заш топя англійски тарговски ладі и цудзи, шведски и фински, котри вожа дацо

до Англиї. Але у остатнім тижню англійци даваю каждой своєї тарговскеј ладї єдну вонну ладю да ю чува, и Немци не маю такого успиху у торпедованю ладьох, як у перших дньох войни.

У Польскеј большевици пришли на румунску вранїцу у Буковини и на малярску у Карпатох и далей не иду. Виявели, же пошту румунску и малярску неутралносц.

Турски вонкашні министр Сараджоглу пошол до Москви на поради. Барз важне, цо вон там окончи.

Италия поцагла войско зос греческеј границе и тим умирела Греческу. — Мусолини заш виявел, же Италия остава неутрална и же вона будзе робиц за мир. У Немецкеј покладаю на Мусолинийову роботу за мир вельо надїї. Бо Немци гваря же вони сами не сцу далей войовац, але муша.

О ВОЙНИ.

Война почала и немилосердно гара: хто виновати, а хто не? Пишу ровно новини, а и радио толкуе, хто завицел тото предиване криви. Не чудо же ше о причинах терашней войны пише и гутори. Кед ше здогадаме, же учени историчаре пишу кнїжки о войнох, котри ше одбивали пред сто роками и не утвердзели, хто тоти войни завицел.

Природно, же причина войнох людска погубеносц. Але чежко точно утвердзиц, же хто погубени и виновати, а хто добри и невини.

Найвечей о тим бешедую баш таки, котри барз мало або цалком ніч не розумя подїї у швецех. Таки людзе легко уверя гоч яку невозможну ствар, легко ше гоч од чога злекню и свой страх легко преноша медзи други левоверни швет.

Але у военних часох мушиме знац єдино: чим медзи два держави вибовкне война, вони ше поставя єдна проци другей як неприятеле. И єдна и друга у шицким себе видзвигуе, а процивника ганчи, догод война тирва. З єдним словом, кед незгодно правду повесц, вец ше циганї але вше на исти способ: себе ше хвалї, а процивника ганї. Познати нам таки висти з фронту зос шветовой войны.

У терашней войны циганство ше шири ише баржей як то було у шветовой войны. Новином и злу радим шептачом у циганьству помага радио, а людзе слухаю.

Щедза при апарату и слухаю. Скоро ше каждый чловек одлучи за єдну страну и кед тота страна страда, страда у своєї души и вон. А кед тота страна напредуе радуе ше и вон. Гнетка його страна напредуе на справу, а по даваним радио страда и вон ше пре радио секира, гоч би иншак бул весели, да зна цо насправди.

Страхоти у войни наисце страшни, па нац да їх и ми у своєї души преживюеме.

Кед слухаме єдну страну, вец тота доказуе, же процивник барз окрутни, як да ей бомби хлеб. А правда у тим, же обидва страни волюю.

Правда же єдна страна од тих двох виновата, але ми преблїзко гу тим подїйом же би зме могли прешацовац, хто виновати.

Ми маме досц роботи у своїх домох и дружтвох, па укладайме до того свой труд. З другей страни предняци нащей держави виявели, же наша держава неутрална, зато ше не треба превельо нервовац пре цудзи бриги. Правда ми осудзуеме предиване криви, але док вельки народи ушорлюю своєю кирвави рахунки, наша держава не жада їх рахунки з криву заплациц. Єден наш державник гварел: „Док давни себе упрекосц хижнї паля, ми мушиме своєю чувац да и до нас давна жирячка не прелеци, а до нїх ше не будземе мишац“ и то шицко цо нам треба знац о войни у терашних шветских обставинох.

Модлиме ше Богу да нас тот кирвави огонь не залапи. Шицко друге най конча тоти, котри за то поволани.

Посилайце предплату!

